

**Razvojna banka Federacije
Bosne i Hercegovine
Predsjednica Uprave**

Broj: 8531-III/23
Sarajevo, 24.07.2023. godine

Na osnovu člana 64. stav (1) tačka a), člana 69. stav (3) Zakona o javnim nabavkama ("Službeni glasnik BiH", br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), na preporuku Komisije za nabavke iz Zapisnika o pregledu i ocjeni ponuda broj 8514-XI/23 od 21.07.2023. godine i člana 20. Statuta Razvojne banke Federacije Bosne i Hercegovine, u otvorenom postupku javne nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2023. godine, Predsjednica Uprave Banke donosi

ODLUKU

o otkazivanju postupka javne nabavke

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 8514-XI/23 od 21.07.2023. godine, te se otkazuje postupak javne nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2023. godinu za koji je na Portalu javnih nabavki objavljeno obavještenje o nabavci broj:1011-1-2-114-3-44/23 od 26.06.2023. godine („Službeni glasnik BiH“, broj 46/23), zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav (3) Zakona o javnim nabavkama, obzirom da su dostavljene dvije prihvatljive ponude, sa jednakom cijenom i jednakim brojem bodova za ostale potkriterije u skladu sa kriterijem za izbor ponude (ekonomski najpovoljnija ponuda), odnosno jednakim ukupnim brojem bodova.

Član 2.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 3.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2023. godine broj 7145-III/23 od 20.06.2023. godine, pokrenut je postupak nabavke predmetnih usluga za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu ugovora je ekonomski najpovoljnija ponuda.

Procijenjena vrijednost nabavke iznosi 52.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 26.06.2023.godine, broj obavještenja:1011-1-2-114-3-44/23 od godine („Službeni glasnik BiH“, broj 46/23).

Tenderska dokumentacija objavljena je zajedno sa navedenim obavještenjem.

Odlukom Ugovornog organa o imenovanju Komisije za nabavke Razvojne banke Federacije BiH broj 3286-III/22 od 14.03.2022. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 4111-III/22 od 29.03.2022. godine, Odlukom o izmjeni Odlukom o imenovanju Komisije za nabavke Razvojne banke Federacije BiH broj 7144-III/22 od 10.06.2022. godine i Odlukom o dopuni Odluke o imenovanju Komisije za nabavke Razvojne banke Federacije BiH broj 8822-III/22 od 21.07.2022. godine, imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su pravovremeno zaprimljene 2 (dvije) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)	Broj sati za predreviziju	Broj sati za reviziju
1.	Grupa ponuđača: „UHY REVIDENT“ d.o.o. Mostar, Biskupa Čule bb (Spajalica), Mostar (predstavnik grupe) i „PKF FACT revizija“ d.o.o. Zagreb, Zadarska ulica 80	14.07.2023. godine u 8:50 h	51.750,00	0,00	51.750,00	344	306
2.	„Grant Thornton“ d.o.o. Banja Luka, Ulica Vase Pelagića broj 2, Banja Luka	17.07.2023. godine u 08:20 h	51.750,00	0,00	51.750,00	344	306

Komisija je pristupila pregledu i ocjeni ponuda, te utvrdila da Ugovorni organ ima dvije prihvatljive ponude, sa jednakom cijenom i jednakim brojem bodova po ostalim podkriterijima u skladu sa kriterijem ekonomski najpovoljnije ponude, odnosno jednakim ukupnim brojem bodova, te isti nema mogućnost dodjele Ugovora u predmetnom postupku.

Pregled ponuđača čije su ponude prihvatljive sa izračunatim bodovima:

Red. br.	Ponuđač	Bodovi za cijenu (P)	Bodovi za sate utrošene na predviziju (R)	Bodovi za sate utrošene na konačnu reviziju (S)	Ukupan broj bodova U=P+R+S
1.	Grupa ponuđača: „UHY REVIDENT“ d.o.o. Mostar, Biskupa Čule bb (Spajalica), Mostar (predstavnik grupe) i „PKF FACT revizija“ d.o.o. Zagreb, Zadarska ulica 80	50	30	20	100
2.	„Grant Thornton“ d.o.o. Banja Luka, Ulica Vase Pelagića broj 2, Banja Luka	50	30	20	100

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima i uslovima iz tenderske dokumentacije.

Na osnovu izvršene analize i ocjene pristiglih ponuda, Komisija je utvrdila da je Ugovorni organ zaprimio dvije prihvatljive ponude u skladu sa tenderskom dokumentacijom, sa jednakom cijenom i jednakim brojem bodova za ostale potkriterije u skladu sa kriterijem za izbor ponude (ekonomski najpovoljnija ponuda), odnosno jednakim ukupnim brojem bodova, te Komisija za javne nabavke jednoglasno daje preporuku Ugovornom organu za otkazivanje postupka javne nabavke zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, a u skladu sa članom 69. stav 3) Zakona o javnim nabavkama.

Imajući u vidu sve prethodno navedeno odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



Predsjednica Uprave

Doc. dr. sci. Mersiba Slipičević, dipl. oec.

Dostaviti:

- Učesnicima u postupku